

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA MBILI

23 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA MBILI – TAREHE 23 MEI, 2017

I. DUA:

II. HATI ZA KUWASILISHA MEZANI:

WAZIRI WA MALIASILI NA UTALII:

Hotuba ya Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2017/2018.

MWENYEKITI WA KAMATI YA ARDHI, MALIASILI NA UTALII:

Taarifa ya Kamati ya Ardhi, Maliasili na Utalii kuhusu utekelezaji wa majukumu ya Wizara ya Maliasili na Utalii kwa Mwaka wa Fedha 2016/2017 pamoja na Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA MALIASILI NA UTALII:

Taarifa ya Msemaji Mkuu wa Kambi ya Upinzani kuhusu Wizara ya Maliasili na Utalii juu ya Makadirio ya

Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

WIZARA YA UJENZI, UCHUKUZI NA MAWASILIANO:

254. MHESHIMIWA MAHMOUD HASSAN MGIMWA (MUFINDI KASKAZINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Mhe. Rais Dkt. John Pombe Magufuli alipokuwa Waziri wa Miundombinu aliahidi kupandisha hadhi barabara ya kutoka Mtiri – Ifwagi – Mdaburo, Ihanu, Isipi – Mpangatazara – Mpalla Mrimba ambayo inaunganisha Wilaya ya Mufindi na Wilaya ya Kilombero pia Mkoa wa Iringa na Morogoro.

Je, ni lini Serikali itapandisha hadhi barabara hiyo muhimu kwa uchumi wa Wilaya ya Mufindi na Taifa kwa ujumla ambayo Halmashauri ya Wilaya ya Mufindi imeshindwa kuihudumia wakati wote.

255. MHESHIMIWA IGNAS ALOYCE MALOCHA (KWELA)

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya kutoka Kibaoni – Kasansa- Muze- Ilemba – Kilyamatundu

- Kamsamba hadi Mloo Mkoani Songwe inaunganisha Mikoa mitatu ya Katavi, Rukwa na Songwe; Wananchi wa Mikoa hiyo wamekuwa na maombi ya muda mrefu kutaka barabara hiyo itengenezwe kwa kiwango cha lami ili kuboresha maisha na kukuza uchumi wao na Taifa kwa ujumla:-

Je, ni lini barabara hiyo itatengenezwa kwa kiwango cha lami.

WIZARA YA ELIMU, SAYANSI, TEKNOLOJIA NA UFUNDI:

256. MHESHIMIWA SEIF KHAMIS SAID GULAMALI (MANONGA):

Atamuuliza Mheshimiwa Waziri wa Elimu, Sayansi, Teknolojia na Ufundi:- Serikali ina mpango wa kujenga vyuo vya ufundi katika kila Wilaya nchini:-

- (a) Je, Shirika lisilo la Kiserikali linaweza kujenga chuo hicho katika Kata ya Chuma, Chakola Makao Makuu ya Tarafa ya Manonga na kuikabidhi Serikali;
- (b) Je, ni lini Serikali itajenga chuo hicho ili kiweze kutoa msaada katika Wilaya ya Igunga na Nzega.

WIZARA YA MAMBO YA NDANI YA NCHI:

257. MHESHIMIWA HAMAD SALIM MAALIM (KOJANI):

Atamuuliza Mheshimiwa Waziri wa Mambo ya Ndani ya Nchi:- Miongoni mwa stahiki za Askari Polisi anapohamishwa kutoka Mkoa mmoja kwenda mwingine ni nauli ya Askari huyo na wategemezi wake pamoja na fedha za kusafirishia mizigo:-

Iwapo mwajiri atashindwa kumlipa Askari huyo stahiki zake zote hizo Je, Askari huyo atapaswa kuhama kwa gharama zipi na kuripoti Mkoa wake mpya aliopangiwa.

258. MHESHIMIWA RIDHIWANI JAKAYA KIKWETE (CHALINZE):

Atamuuliza Mheshimiwa Waziri wa Mambo ya Ndani ya Nchi:- Hivi karibuni kumetokea mapigano baina ya Wakulima na Wafugaji ambayo yamesababisha baadhi ya Watanzania kupoteza maisha na wengine kupata ulemavu wa maisha:-

Je, Serikali imejipangaje kupambana na janga hilo.

WIZARA YA MALIASILI NA UTALII:

259. MHESHIMIWA JOSEPH MICHAEL MKUNDI (UKEREWE):

Atamuuliza Mheshimiwa Waziri wa Maliasili na Utalii:- Kisiwa cha Ukerewe kina vivutio vingi vya Utalii vinavyoweza kuiingizia nchi yetu pesa nyingi za kigeni vikiwemo mapango ya Handebezyo, Makazi ya Mtemi Rukumbuzya, Jiwe linalocheza la Nyaburebeka huko Ukara n.k:-

Je, Serikali ina mpango gani wa kushirikiana na Halmashauri ya Wilaya ya Ukerewe kuimarisha na kujenga mazingira na kuvitumia vivutio hivyo ili kuongeza pato la Taifa na Wananchi wa Ukerewe.

WIZARA YA ULINZI NA JESHI LA KUJENGA TAIFA:

260. MHESHIMIWA KAPT. MST. GEORGE HURUMA MKUCHIKA (NEWALA MJINI):

Atamuuliza Mheshimiwa Waziri wa Ulinzi na Jeshi la Kujenga Taifa:- Sheria ya Jeshi la Kujenga Taifa ya Mwaka 1964 (*The National Service Act, 1964*) imeweka ulazima wa Vijana Watanzania wanaomaliza Kidato cha Sita

kujiunga na mafunzo ya Jeshi la Kujenga Taifa kwa mujibu wa Sheria:-

- (a) Je, katika miaka mitatu iliyopita ni Vijana wangapi walimaliza Kidato cha Sita kila mwaka na kati yao ni wangapi walijiunga na mafunzo ya Jeshi la Kujenga Taifa;
- (b) Je, waliojiunga ni asilimia ngapi ya waliotakiwa kujiunga.

WIZARA YA KILIMO, MIFUGO NA UVUVI:

261. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:-

- (a) Je, Serikali imejipanga vipi kuzuia uvuvi haramu nchini;
- (b) Je, ni Meli ngapi zilizokamatwa kwa sababu za uvuvi haramu kuanzia mwaka 2010-2015;
- (c) Je, ni watu wangapi wametiwa hatiani na hukumu zao zilikuwaje.

WIZARA YA MAJI NA UMWAGILIAJI:

262. MHESHIMIWA YOSEPHER FERDINAND KOMBA (VITI MAALUM):

Atamuuliza Mheshimiwa Waziri wa Maji na Umwagiliaji:- Tatizo la maji Mkoa wa Tanga ni kubwa licha ya kuwa na vyanzo vingi vya maji; Viongozi wa Serikali kwa nyakati tofauti wamekuwa wakitoa ahadi mbalimbali lakini hakuna hatua za makusudi za kutatua tatizo la maji:-

- (a) Je, ni lini Serikali itapeleka maji kupitia mradi wa Manga/Magoroto ambao ulianza tangu mwaka 1970;
- (b) Je, ni lini Serikali itatatua changamoto ya uchakavu wa miundombinu hasa mabomba na mipira katika mradi wa Kicheba na Kwemhosi.

263. MHESHIMIWA LEAH JEREMIAH KOMANYA (VITI MAALUM):

Atamuuliza Mheshimiwa Waziri wa Maji na Umwagiliaji:- Serikali hutumia gharama kubwa katika utafiti wa maji na ujenzi wa miundombinu ya maji; lakini baadhi ya miradi inayokabidhiwa kwa Mamlaka za Maji za Miji na Jumuiya za

watumiaji (COWUSA) zinasuasua na kutonufaisha jamii kama ilivyokusudiwa:-

Je, Serikali ina mkakati gani wa kuhakikisha miradi ya maji inanufaisha jamii kama ilivyokusudiwa.

IV. HOJA ZA SERIKALI:

WAZIRI WA MALIASILI NA UTALII:

Kwamba, Bunge sasa likubali kupitisha Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2017/2018.

**DODOMA
23 MEI, 2017**

**DKT. T. D. KASHILILAH
KATIBU WA BUNGE**